



Kementerian Pembangunan Wanita,
Keluarga dan Masyarakat

SIARAN MEDIA

UNTUK SIARAN SEGERA

20 JANUARI 2015

DATO' SRI ROHANI ABDUL KARIM TINJAU BANJIR DI SARAWAK BERMULA HARI INI

Menteri Pembangunan Wanita, Keluarga dan Masyarakat, Dato' Sri Rohani Abdul Karim turun padang membuat tinjauan keadaan banjir di Sarawak yang bermula di Kuching. Menerusi tinjauan yang dilakukan didapati keadaan agak membimbangkan dan Kementerian melalui Jabatan Kebajikan Masyarakat telah bersiap siaga dari awal dalam berdepan dengan sebarang kemungkinan.

Rohani dalam lawatan tersebut turut ke Bilik Gerakan Bencana Banjir Jabatan Kebajikan Masyarakat Negeri Sarawak yang beroperasi 24 jam yang diselaraskan oleh seluruh warga kerja JKM Negeri Sarawak.

Laporan sehingga jam 4.00 petang, 20 Januari 2015 menunjukkan bahawa sebanyak 44 pusat pemindahan telah dibuka di negeri Sarawak yang terjejas banjir melibatkan seramai 1,951 keluarga dan 8,067 mangsa.

“Saya amat mengambil berat dengan keadaan banjir di Sarawak. Saya berharap persediaan pengurusan banjir di sini lebih efektif walaupun terpaksa berdepan dengan cabaran yang lebih besar disebabkan oleh faktor lokasi.

Faktor geografi negeri Sarawak yang besar dan luas termasuk kawasan pedalaman dan berjauhan antara satu tempat dengan tempat yang lain merupakan cabaran yang besar dalam menyampaikan bantuan. Walaubagaimanapun kita berusaha sedaya upaya agar bantuan dapat disampaikan kepada semua mangsa bencana terutama di pusat pemindahan dalam keadaan selamat” kata Rohani.

Turut meninjau lokasi bencana banjir di Sarawak ialah Dato' Sabariah Hassan, Ketua Setiausaha Kementerian Pembangunan Wanita, Keluarga dan Masyarakat dan Pengurusan Tertinggi KPWKM.

Bilik Gerakan Bencana Banjir Jabatan Kebajikan Masyarakat Negeri Sarawak boleh dihubungi ditalian 082-311554. Maklumat lanjut mengenai keadaan banjir boleh didapati melalui laman web kementerian www.kpwkm.gov.my dan laman web Jabatan Kebajikan Masyarakat www.jkm.gov.my.

#####

Disediakan oleh : Unit Komunikasi Korporat
Kementerian Pembangunan Wanita,
Keluarga dan Masyarakat
No.55 Persiaran Perdana, Presint 4,
Putrajaya

Tarikh : 20 Januari 2015